

Jasna Duraković
Zastupnica SDP BiH
Vlada Kantona Sarajevo
Skupština Kantona Sarajevo

n/r. Ministarstvo unutrašnjih poslova KS

Inicijativa

Upućujem inicijativu resornom ministarstvu da, ukoliko trenutno nema, kreira i usvoji protokol djelovanja u slučaju nasilja u porodici, te da pokrene aktivnosti s ciljem punog upoznavanja svih policijskih službenika o načinu postupanja u skladu sa protokolom.

Ukoliko takav protokol već postoji upućujem inicijativu da se uradi opsežna kampanja edukacije policijskih službenika o djelovanju u skladu sa navedenim protokolom.

Obrazloženje

Četiri od deset žena u Bosni i Hercegovini iskusilo je psihološko, fizičko ili seksualno nasilje, pokazalo je istraživanje koje je provela Organizacija za sigurnost i saradnju u Evropi (OSCE).

Prema podacima Fondacije CURE, od 2019. do 2021. godine najmanje 39 žena ubijeno je u BiH od strane muškaraca (suprug, partner, vanbračni partner).

Prema podacima nevladinih orgnaizacija, u 2021. ubijeno je pet žena u Federaciji BiH i četiri u Republici Srpskoj. Većina njih je glavom platila odluku da napuste supruga ili partnera, ili se razvedu. (Šipovo, Derventa, Prnjavor, Bužim, Žepče, Velika Kladuša, Sarajevo, Kozarska Dubica). Ovo je ozbiljan društveni problem i krajnje je vrijeme da poduzmemo neophodne korake i pokušamo djelovati preventivno u suzbijanju femicida (nasilja nad ženama) i nasilja u porodici.

Sarajevo, 15.3.2022.

Prof. dr. Jasna Duraković
Zastupnica SDP BiH